



KANTONALNI OPERATIVNI CENTAR

Broj: 17-44-10-92/13
Goražde, 14.05.2014. godine

REDOVNI IZVJEŠTAJ

Na osnovu informacija prikupljenih od osmatračke mreže iz člana 157. Zakona o zaštiti i spašavanju ljudi i materijalnih dobara od prirodnih i drugih nesreća, u protekla 24 sata na području BPK-a Goražde zabilježeno je slijedeće:

MUP BPK-a Goražde:

Prema informaciji Operativnog centra MUP-a BPK-a Goražde u protekla 24 sata nije bilo pojava opasnosti od prirodnih i drugih nesreća koje bi ugrožavale ljude i materijalna dobra.

Direkcija za ceste BPK-a Goražde:

Prema informacijama koje smo dobili od Direkcije za ceste BPK-a Goražde, svi putevi u nadležnosti Direkcije su prohodni. Autobuski saobraćaj se odvija redovno.

S područja općine Goražde

Na osnovu informacije dobijene od Službe civilne zaštite općine Goražde u protekla 24 sata nisu zabilježene pojave opasnosti od prirodnih i drugih nesreća koje bi ugrožavale ljude i materijalna dobra.

Vodostaj rijeke Drine jutros u 06,00 časova iznosio je 92,935 centimetara. U naselju Zupčići došlo je do izlivanja Zupčićkog potoka na regionalni put Goražde-Čajniče i nanosa po kolovozu sitnog materijala. Ovaj putni pravac je prohodan za odvijanje saobraćaja. U naselju Podhranjen, iznad putnog pravca Goražde-Podhranjen, došlo je do pojave manjeg klizišta, koje ne ugrožava stambene objekte, kao ni putni pravac.

S područja općine Pale- Prača:

Na osnovu informacije dobijene od Službe civilne zaštite općine Pale-Prača, u protekla 24 sata zabilježeno je slijedeće:

Nivo rijeke Prače je naglo porastao tako da se rijeka izlila iz svoga korita u naselju Pijesti-Lunje, gdje je trenutno ugroženo 7 stambenih objekata, kao i imanja. Ekipe civilne zaštite su od jutros na terenu i rade na sprječavanju daljnog plavljenja i sanaciji od poplava.

Jutros od 06,00 časova područje općine Pale-Prača ostalo i bez napajanja električnom energijom. Ekipe „Elektrodistribucije“ Goražde su trenutno na terenu i rade na otklanjanju kvarova.

S područja općine Foča-Ustikolina:

Na osnovu informacije dobijene od Službe civilne zaštite općine Foča-Ustikolina u protekla 24 sata nisu zabilježene pojave opasnosti od prirodnih i drugih nesreća, koje bi ugrožavale ljude i materijalna dobra. Vodostaj rijeke Koline je u porastu, ali trenutno nema opasnosti od njenog izlivanja iz korita.

Kantonalna bolnica BPK-a Goražde-Urgentni centar:

U prijemno -urgentni centar Kantonalne bolnice BPK-a Goražde u protekla 24 sata primljen je 31 pacijent. Sedam pacijenata je zadržano u Kantonalnoj bolnici radi daljeg liječenja.

A tim FUCZ-e koji radi na području BPK-a

Dana, 13.05.2014. godine nakon dojava o pronalasku NUS-a u naselju Podhranjen općina Goražde, A tim FUCZ-e je odmah izašao na lice mjesta i tom prilikom su preuzeli jedan kumulativni tromblon, koji su naknadno uskladištili.